

2

# DE ECCHYMOSSI

ET

## SUGGILLATIONE

ACCURATIUS DISTINGUENDIS.

## THESES

EX

## ANATOMIA ET CHIRURGIA

TUM PRACTICA TUM FORENSI,

*Die Sabbati octavâ mensis Aprilis, anno 1786, à sesqui-secundâ  
post meridiem ad septimam,*

PROPUGNANDÆ.

PARISIIS,

IN REGIIS CHIRURGORUM SCHOLIS  
PRO ACTU PUBLICO,

ET

MAGISTERII LAUREÆ.



Typis MICHAELIS LAMBERT, Regii Chirurgiæ  
Collegii, necnon Academiæ Typographi, viâ Cythareâ.

---

M. DCC. LXXXVI.



DE ECCHYMOSE

ET

SUGGILLATIONE

ACCURATIUS DISTINGUENDIS.

THESES

EX

ANATOMIA ET CHIRURGIA

TUM PRÆACTA TUM FORENSI.

Disertatio de Ecchymose, a Jacobo  
post medicum et jurisconsultum.

PROPOGANDA.

PARISIIS.

IN REGIS CHIRURGICORUM SCHOLIS  
PRO ACTU PUBLICO.

ET


MAGISTERII LAUREA.



THESE MICHAELIS LAMBERT, Regii Chirurgici  
C. P. apud Academicam Typographiam, viis Ordinatis.

M. DCC. LXXXV.






SUMMO PHILOSOPHO  
VIRO IMMORTALI  
D. D. COMITI DE BUFFON,  
IN VENERATIONIS ET GRATI ANIMI  
MEMORIAM  
DICAT, VOVET, CONSECRAT

ANT. LUD. FRANCISC. MERTRUD.





SUMMO PHILOSOPHO

VIRI IMORTALI

D. D. COMITI DE BUSTON

IN VENERATIONIS ET GRATI ANIMI

MEMORIAM

DICAT VOCE, CORDE

ANT. LUD. FRANCIS MENTIS



7

---

T H E S E S

ANATOMICÆ ET CHIRURGICÆ.

---

**V**ITÆ summam brevem nemo non novit : indubitatæ huic sententiæ Hippocrates comparatè adstruxit Artem esse longam ; quæ quidem à Divi senis temporibus in dies longior, per ingeniosas periclitationes & experimenta, novis lucubrationibus perpetuò perficienda est. Quàm ampla cognitionum seges sese offert, si ad rerum quas Ars continet multitudinem animo attendatur ! Earum unaquæque ars magna nuncuparetur.

Corporis humani notitiæ, firmitus Artis salutaris fundamentum, non nisi profectionibus anatomicis acquirenda, res est operosi ac molesti laboris : at Physices luminibus orba, arida prorsus & inanis videbitur, cum tota versetur Ars in contemplatione Naturæ, mechanismo occultissimo indefinenter agentis, tum in variis functionibus obeundis, tum in diversimodâ, vixque numerabili earundem functionum læsione, statum morbosum constituyente. Quanta in comparandis observationibus desideratur sagacitas, ut falsa pro veris, aut vera pro falsis non habeantur ! Qui cupidâ mente, rerum ægris opitulantium, cognitionem assequi voluerit, is non solum doctrinæ studio vacabit, sed praxi assiduâ, sub Artis Proceribus sedulò incumbet : rectior hæc & tutior quærendæ scientiæ via est ; nec enim satis est Artem ratione tantum nosse ; sed, ex ipsius Hippocratis effato, hæc in usum exercitatione traducenda. Undè optimè dictum à doctiss. viro qui



Scholiis Commentarios Hollerii, Med. Par. jure ac meritò celeberrimi, in Hippocratis Aphorismos illustravit; *Ut si vita nobis quadruplo longior concederetur, ne ipsa quidem sufficeret ad eas artes perdiscendas* (a).

Si in aliis disciplinis confessa res sit & publici saporis, de minimis Viros egregios non curare, discant nihil in Chirurgicis esse nisi maximi momenti; Exemplum præbeat, quod proponimus hujus concertationis argumentum, primo intuitu tenue, sed ignota cujus copia errorum & reprehensionis ansam dedit. De Ecchymosi & suggillationibus disceptaturi, integumentorum structuram & usum; utpotè injuriis externis maximè obnoxiorum, prius anatomicè consideranda censemus.

Vulgaris est apud Anatomicos tegumentorum divisio in cuticulam, rete Malpighianum, cutem & membranam adiposam, seu textum cellulosum; & quod sint totius corporis involucrium, communia vocant; quæ denominatio minimè textui celluloso comperit. Hic enim non solum, ut veteres agnovèrunt, undique sub corporis superficie extenditur musculos inter & cutem, innumeras cellulas inter se communicantes habens, plus minusve materiâ pingui, oleosâ; turgentes; sed Neotericis apprimè notum telam cellulosam omnium partium interstitia replere, ita ut ex eâ & ipsarum continuïtas pendeat, & flexibilitas conservetur. Hujus cellulosæ telæ summam & serè huc usque ignotam dignitatem Cl. Hallerus statuit, eam agnoscendo ut corporis animalis partem elementarem, cum sit membrana princeps, aliarum omninò formatrix, ex quibus vasa, viscera, glandulæ, ligamenta, capsulæ, &c., constantur. Omnes partes, ad minima usque fila, vaginâ cellulosâ ambiuntur; per ipsam partes connexæ cum libertate uniuntur. Hinc musculi, deletâ subcutaneâ telâ, cum cute coalescunt, magnam sui motûs & partem tantam amittunt, ut par Ankylosi hoc malum judicatum fuerit.

(a) Liebaud, Med. Paris. 1526,



Indè in fervandis cute & textu cellulari, in quantum possunt, apostemata aperiendo, & in tumoribus extirpandis, attentius invigilant Chirurghi, ut curationes citius, non amissâ substantiâ, perficiantur, & partium mobilitas non pereat.

Laminarum tunicæ cellulosæ spatia undique aperta, per totum corpus in unam tanquam continuam cavitatem consentiunt, ut videre est experimento *Ruischii*, qui flatu impulso areolas hujus membranæ replevit, quodque quotidie demonstrat status lanionum per exiguum vulnus intrusus, cutem omnesque partes per totum corpus elevans; idemque constat ex Pathologicis Observationibus in emphysemate, anasarca, fuggillatione, &c.

Vasâ sanguifera, arteriæ & venæ, à partibus vicinis mutuata, cellulas membranaceas cingunt. Falsò ad secretionem materiæ adiposæ supponerentur glandulæ vel ductus peculiare: per totam arteriæ longitudinem exsudat; quod experimentis comprobatur: arteriâ enim per injectionem aquæ repletâ, nulla pars cellulosæ telæ circumposita absque madore cernitur; ejusdemque cavernulæ in se patent invicem. Pinguedinis secretio celeris probatur ex citò renascente post acutos morbos obesitate: celeriore forsan ejus regressum per venas resorbentes probant motus fortiores animalium, febres adipem citius absumentes, animi pathemata, hydragogorum subita quandoque efficacia, quorum ope aqua inter cutem effusa & resorpta, per alvum ductam educitur.

Telam cellulosam, experimentis in vivis animalibus factis, insensilem dixit Cl. *Hallerus*: sed quis inficias irer, in ulceribus humidâ carne præditis, dum lapide infernali protuberantia uritur, ægros sæpè dolore acutissimo affici? Tela cellulosa sedes est luxuriantis & reprimendæ carnis: ergò sensu non esse privatum textum cellulosum, contra experimenta *Halleriana*, sed in statu morbidò sensibilem rectè adstruxit *Clarissimus in Scholis Chirurgiæ Regius Pathologiæ Professor M. Fabre*.



Seriùs præcipuæ hujus & elementaris corporis partis natura innoruit.

Cutis, membrana densa, crassa, ex telâ cellulosâ stipatissimâ componitur, totumque corpus, vestis instar, involvit. Cutis substantiam cur tendinosam in homine dixerit egregius Winslowius, sagacissimus in cæteris corporis fabricæ perscrutator, partiumque minutissimus quandoque delineator; & fibris tendineis mirè implexis compositam cur asseruerit *Heisterus*, haud liquet. Hanc structuram in brutis admittendam non recusamus, cum inter cutem & pinguedinem in eis adsit tunica carnea cujus beneficio cutem movere & muscas abigere possunt. Riolo filio sit laudi quòd adnotaverit *substantiam cutis esse ab aliis membranis diversam, qualem in toto corpore non reperias, fibrosamque, innumeris filamentis intertextam*,

Structuræ cutis membranosæ accedunt vasa sanguifera copiosissima, quæ si diligenter & feliciter sebaceâ materiâ coloratâ repleantur, tota rubescere videtur, quamque quasi colore extrinsecus adposito pictam diceret: sed ranquam accessiones tantum, licèt innumera, hæc vasa habeantur; nam opposito lumine inspecta, sic anatomicè præparata cutis, exsanguem membranam refert; maximamque partem superficièi inter retia vasculosa albam cernere est.

Per nervos in papillas pyramidales desinentes, cutis, tactûs organum, sensibilitate exquisitâ gaudet. Hujus vis elastica manifestatur præcipuè in puerperiis, cum extensa ultrâ modum ad pristinum ferè statum restituatur. Indè consideratio chirurgica cautiùs prospiciendi conservationi cutis, in operationibus, si per solam extensionem à statu naturali recesserit. Contractilis est ab elaterio, quod à structurâ propriâ accipit.

Irritabilitas cuti denegatur secundùm Halleriana experimenta, siquidem puncta, læsa & quocumque modo irritata seu stimolata, non sit brevior. Ast non potest negari vel minimam corporis



9  
corporis viventis fibram ab ipso vitæ principio suum habere  
tonum, quo contrà Naturæ leges aucto, fiunt spasmi absque  
fibrarum affectarum visibili recessu. Quot verò, quanta enas-  
cantur è statu spasmodico phænomena, præcipuè in passione hy-  
stericâ, celeb. *Sydenham* testatur, & quotidiana satis superque  
comprobat experientia.

Eriam si breviores oculis intuentibus fibræ non fiant, num  
minùs rigent? Quid generalis contractio à metu subeundæ ope-  
rationis chirurgicæ? Quid erethismus, in morbis nervosis tam  
decantatus, calorem vitalem labefactans, à quo externus algor,  
incipientis febris horrorem mentiens, & poros cutis perspira-  
tioni dicatos obturans? Ergo cutis irritabilitate donatur, licèt  
structuræ sit membranaceæ, contra opinionem quâ omnes mem-  
branæ dicuntur virtute irritabili privatæ; opinionem, teste visu,  
Artis genio inconsulto, ab experimentis fallacibus, quanquam  
accuratioribus natam, cujus commenta delet dies, Naturæ judicia  
confirmans.

Non à fibrarum stimuli impatientium texturâ peculiari, re-  
petenda est vis irritabilis, sed à vitæ principio; materia enim  
augusto Naturæ nomine insigniri nequit, cum sit ex se iners,  
passiva, & omni actione destituta. Principium vitale nemini non  
fuit notum. Quid enim aliud, Hippocratis calidum innatum;  
Aristotelis quinta essentia à quatuor elementis sibi cognitis toto  
genere discreta; Theophrasti vitale principium; Helmontii Ar-  
cheus; veterum Chymicorum balsamum Naturæ & sulfur vita-  
le? Illius principii substantia elementis longe est diviniore; ca-  
lorem continet, non igneum & destruentem, sed planè cœles-  
tem & vivificum: verba sunt clariss. J. B. *Duhamel*: spiritus  
dicitur, quòd sit tenuissimus ac subtilissimus; quòd enim res est  
à materiæ contagio solutior, eò ad motum promptior atque ad  
agendum efficacior. Corruptis ac dissolutis corporibus, is integer  
servatur. Illud, exempli gratiâ, intueri datur in tritici grano quod



terra, gremio mollito & subacto, sparsum excipit, quodque in eâ putrescit ac dissolvitur : at balsamum radicale ab interitu vindicatur, ac novam subinde molitur generationem; cessare enim non potest. Hæc fiunt Naturæ viribus; Naturam quippe morborum medicatricem dixit Hippocrates; sed quid Naturæ agentis nomine intelligi debeat, inquiritur? *Quid Natura, nisi ars Dei in materiâ (a)?*

Ex hoc sanioris doctrinæ fonte nuper emerfit Magnetismus, quem dicunt animale; novum deliramenti genus mystagogicè in praxim medicam profiliens, ex quo rueret totius Medicinæ scientia tam firmis stabilita principiis, & turpius vilesceret curandarum morborum interiorum methodicus ordo. Sed cum quemquam lædere in animo non sit, alumnis quos prurigo novitatis moveret, verba viri sapientissimi meditanda proponimus: „ Non continuò infamis ars censenda est, si nequissimi homines „ in praves usus eam detorqueant. Pessimè actum erit cum re- „ bus humanis, si nobilissimas quasque artes proscribi oporteat, „ quòd iis maleferiati homines abutantur (b). „

Ab iis quæ supersunt anatomicè discutienda de corporis tegumentis, longius duceremur: ad Chirurgica transeamus.

Quæ, rerum gravium & obtusarum impetu, extrinsecus fiunt in corpore læsiones, *contusiones* improprie, melius vulnera contusa nominantur, difficilioris verè sanationis, quàm quæ solâ & simplici solutione continui molesta sunt; cum iis in vulneribus de unione restituendâ non possit cogitari, quin successivè suppuratio & deterfusio priùs perficiantur. Non item de solutâ continuitate subcutaneâ, tegumentis illæsis; hæc læsionis species,

---

(a) J. B. Duhamel, Oper. Philos. Tom. I, de Fossilibus, lib. 2, Cap. 1.

(b) Idem; ibidem.



non vulneris, sed tumoris faciem præ se fert; de quâ præcipuè hîc dicendum.

*Contusionis* vocabulo, non morbus, sed morbi causa designatur; nullaque est hujus nominis apud auctores latina appellatio, nisi per gallicismum, tumorem à sanguine coacervato vel suffuso significans. Æquivoca verborum acceptio de iis quæ naturæ species & ratio diligentius distinguenda monent, graves in theoriâ gignit errores, vitiosiores in praxim ferens, mox luctuosiores in usu forensi daturus.

Posteriâ laude in dies crescentem Magistrum audiamus *Paræum* de vulneribus capitis agentem... « *Contusionis* impetu sæpè fit » *Ecchymosis*, id est, sanguinis mox concrecentis effusio sub » cute, sine vulnere. Hæc contusio ingens si fuerit, sic ut à cranio » cutis discesserit, sectionem moliri oportet, quâ sanguis exire » & expurgari possit. » *Idem*, Tractatu de vulneribus sclopo illis, sic fatur: « Cum contusæ partes sint, non multò post ab » ictu intumescunt... Propter insignem contusionem & circumf- » tantium particularum laniatum & attritionem, humorum » è toto corpore magna vis confluit, ruitque in locum affectum... » Multiplici scarificatu pars erit incidenda, quo, contuso, ut sic » loquar, & concreto sanguine, adedque in putredinem prono, » pars deoneretur. »

Ut genuina morbi indoles clariùs innotescat, Scriptorum auctoritate gravium doctrinam exponere pretium sit. Clar. *Platnerus* in Institutionibus Chirurgiæ Rationalis, vexatorum nomine utitur: Vexata, inquit, § 706. quæ aliis contusa vel collisa nominantur, sunt corporis vivi partes, quibus telum, vel aliud durum ac retusum, ita impressum fuit, ut interiùs sub cute minores arteriæ venæque, varium humorem ferentes, laceratæ atque graviter affectæ sint: quare ex iis humor qui eas permanat vel effunditur, vel is in motu suo impeditur & sistitur. Clarif. *Ludgwig*, Professor Lipsiensis, in Institutionibus Chirurgiæ, prælectionibus



academicis accommodatis, § 397. circa hanc quæstionem his verbis eloquitur: « Vexata vulnera dicuntur, quæ, corpore lædente applicato, non evidenti & plenariâ continui læsione integumentis corporis constant, sed tantum partium quarundam sub his occultarum separatione inducantur, qua & humorum motus per vasa cohibetur ut propterea extra vasa sæpius rupta vel conquassata propulsi, in contextu celluloso effundantur, & ibidem stagent. In his itaque instrumentum lædens, non figurâ acutâ, sed impetu potius & mole affectum producit ». *Contusionis* nomine, non morbus, sed *contundendo facta læsio* designatur. Vocum confusio, rerum confusionem inducit. Mox citati Professores extranei, ut ferè omnes gallico idiomate Scriptores, *ecchymosim* vocant eam sanguinis sub cute effusionem qualis non rarò post phlebotomiam minùs solerter celebratam, apparet; nempe cum sectâ congruenter venâ & parciùs incisâ cute, subitaneus fit tumor, quem thrombum dicunt, à sanguine concreto, qui intrâ paucos dies pedetentim diffusus, in cellulas textûs adiposi longiùs extenditur, & successivè dat colorem ex nigro purpureum, ex purpureo in singulos dies minùs intenso flavescens, usquè dum per coloris quasi remissiones, naturalis in cutem redeat. Multum verò discriminis inter utriusque morbi ætiologiam esse constat; quinimò, cum nulla sit in hoc casu actionis in parte affectâ læsio, nulla unio soluta, sed ex latè diffuso sanguine simplex macula; quis non videt successivos coloris saturationis in debiliorem transitus, minùs esse morbi notam quàm signum naturæ resolutionem sanguinis extravasati, lento gradu, ut ipsi congruit, operantis.

Morbi causam & morbum, ejusque varios effectus distinctis signis noscibiles, quorumque nec minùs varia diagnosi quàm diversæ indicationes curativæ, licèt graphicè distinxerit Clar. *Munnicks*, in Academiâ Ultrajectinâ Professor Chirurgiæ meritiſſimus, plurimis vocabulis pro arbitrio accipiendis, varioque



rerum statui indiscriminatim adscribendis, caliginem lucidiori doctrinæ induxit. « Solutæ unitatis illa species quam instrumenta » obtusa in parte molli efficiunt, *CONTUSIO* appellatur. Non » semper contusioni adest vulnus; sed effunditur quandòque » sanguis, integrâ manente cute, in spatia partium; undè oritur » affectus, qui ἐκχύμωσις, *ecchymosis* appellatur; Latini effusionem, » suffusionem, suggillationem verterunt. Est autem *ECCHYMOsis* » nihil aliud quàm *crucoris in vicina spatia; ob vasorum apertio-* » *nem, effusio*, si nimirum, cute illæsâ, vasa ob contusionem » lácera, sanguinem effundunt. Etsi verò sæpiùs pars in tumorem » non attollitur, sed ità sanguis effusus in spatia partium sese » insinuat, ut nullus tumor appareat; interdum tamen pars » intumescit, si extravasati crucoris copia major sit: imò interdum » tantâ in copiâ sanguis effunditur, ut sub cute inter muscu- » los collectus sinum efficiat, atque partem in tumorem attol- » lat; hinc inflammationis & tandem gangrenæ causa evadat... » Ex partis alicujus magnâ contusione, nonnunquàm oritur gan- » græna, quandòquidem, læsis apertisque per contusionem vas- » culis humores effluunt; qui extravasati, condensati, & in » parte contusa aggregati, porositates obstruunt, insensibilemque » impediunt transpirationem, ac proindè incalescentes, inflam- » mationemque concipientes, suffocant tandem, extinguuntque » vivificantium spirituum radiationem. »

Ab ancipiti verborum sensu, seu æquivocatione illaudabili, non abstinuit vir multiplici eruditione conspicuus, celeb. *Astruc*, qui Tractatu de Tumoribus gallicè scripto, à quo *contusionis* nomen exulatum rectè voluit & non nisi ut causam accipi, sub eodem titulo, *de la meurtrissure ou ecchymose*, idem significari censet quod Latini *suggillationem*, & Græci *ecchymosim* dixere. Mirum quantos errores tam theoreticos quàm practicos in citato capite Tractatûs de Tumoribus, congregaverit doctissimus Professor: lymphaticas agnoscit *ecchymoses*, cùm de essentiâ *ecchymosis*



fit à sanguine extravasato ortus tumor ; quem pronum ad suppurationem pronunciat, licet ad putredinem & gangrænam propinquius vergat : indurationem grumorum sanguinis extravasati admittit nemini visam : cuilibet enim notum est cruorem concretum dilutorem fieri, sive resolvatur, sive putrescat. Post missionem sanguinis nonne videtur pars rubra concreta, sero limpidio innatans ? Affluxu humorum in contusis niger color in rubedinem evadit, & circa margines loci flavus apparet, grumis sensim dissolutis. Ergò non indurescit per exsiccationem sanguis : quod si accideret, accretio morbi in acerbiorè, & non finis & exitus judicaretur, & nequaquam scirrhi cujuscumque speciei naturam indueret. Scirrhus enim, ipsomet Auctore testante, formari nequit à sanguine. Hæc autem inter verba & res discrepantia, in eodem Tractatu, animi tenebras non discutit ; imò artem obnubilat ; de qua vel nullus sermo haberi deberet potius quàm non lucidior. (a)

Contusiones modò à fuggillationibus distinguit Cl. *Juncker*, Professor Halensis, in conspectu Chirurgiæ tam medicæ quàm instrumentalis ; hæcque ab illis differre, ut effectus à causis

---

(a) Ne virum, quem senem venerans colui, inhonoratum voluerim, ex eo quod nemo infensius Chirurgis adversatus sit, hinc operæ pretium ex ipsissimis verbis opinionem commentitiam, à vero remotam exponere, Artis progressui unicè consulens, ut immota stet magis amica veritas, & scientiæ certitudo. « Les meurtrissures se terminent de quatre façons. La troisième par endurcissement ; quand le sang extravasé, à force d'être sec, forme des grumeaux qui, au-lieu de se pourrir, se dessèchent, s'endurcissent, & donnent lieu à une espèce de squirrhe. » De Tumoribus, tom. 1. pag. 218. . . Le squirrhe est produit par le séjour de quelque humeur . . . Ce ne sauroit être le sang, parce que le squirrhe est sans rougeur, & qu'il ne peut être produit que par une humeur capable de se durcir ; ce qui ne convient point au sang, *ibidem*, tom. 11 pag. 5.



efficientibus; ex contusionibus, inquit, præter alias causas originem ducere solent fuggillationes: modò ecchymosis & fuggillationis nomina tanquam synonyma habet, quorum tamen perutilis est distinctio.

Jampridem veræ diagnoseos de his præter naturam affectibus fundamenta posuerat, sagax, dum viveret, rerum chirurgicarum iudex, experientissimus Mag. J. L. *Petit*, perennis memoriæ, agens de tumoribus capitis à contusione, sub vocabulo *Bosses*. Cute integrâ remanente, ictu, impulsu atque jactu, vel instrumentis quibuscumque retusis, fustibus putà, tignis, lapidibus paulò vehementiùs corpori admotis, fit subcutanea læsio ab attritione & collisione partium; undè congeries minutissimorum vulnerum, quam Græci, ut cum *Heislero* loquamur, *Ecchymosim* haud incommode vocarunt, & *Celsus*, *Vexata*.

Disruptis per contusionem arteriolis & venulis innumeris, vix abesse potest quin à sanguine effuso formetur tumor, & quidem subitaneus, cujus variâ signa pathognomonica tradidit M. *Petit*. Si intumescencia fit per sanguinis effusionem intrâ laminarum relæ cellulosæ spatia, ut videre est absque contusione in thrombo, post minùs benè sectam in phlebotomiâ cutem, insurgit tumor circumscriptus, renitens & facilè resolvendus; fitque *fuggillatio* consecutiva ex longiori & latiori sanguinis in cellulas textûs membranosi non læsas diffusionem; id est, *per infiltrationem*; quæ vox licèt Veteribus ignota, non minùs lucidam præbet rei significatæ valdè necessariam cognitionem. Cùm verò ex majori vel minori cruoris extravasati copiâ & in unum alveum seu cavum collecti & coacervati, circumscriptus apparet tumor per abscessionem cutis à partibus substratis, in circumductione renitens, in centro mollior, cum fluctuatione explorantibus methodicè digitis manifestâ, hæc sanguinis effusio est vera *Ecchymosis*, quæ gallico idiomate dicitur factâ *par épanche-*



ment. Plerùmque sine morâ aperiendus est tumor, ut effuso cruori citior detur exitus, & multa, & quidem graviora à diuturniori stasi præcaveantur accidentia.

Illustrissimo *Van-Swieten* contusorum effectus varios judicanti, ecchymosis & suggillationis discrimen innotuit, veramque utriusque nominis significationem irroboratam habet (a).

*Ecchymosis*, inquit, est effusio humorum extra vasa sua sub integumentis; & definitionem ex *Paulo Æginetâ* accepit... *non divulsâ cute, sic ut tumor mollis tactui cedens sequatur, lividus & indolens ut plurimum. De suggillatione paulò inferius* dicens, non errat clar. auctor, nisi errore loci in quem cruoris extravasati ingressum fieri autumat. Suggillationem vocat maculam rubram, lividam, imò sæpè nigram ab impulso sanguine per ictum in serosa & lymphatica vasa. "Differret ergo suggillatio ab ecchymosi, quòd in ecchymosi ruptis vasis, sanguis in vicina spatia effunderetur; in suggillatione autem sanguis validâ pressione ingreditur vasa aliena, integra tamen: undè etiam suggillatio potius in viciniâ, quàm in ipso loco contuso hæret". Hic, amore veri, versatilem adnotare jubemus clar. Auctoris doctrinam, qui in proximè superiori paragrapho, quasi nescius falsi, ex mente *Hippocratis*, dicebat nullum ferè vas, nullam muscoli tendinisve fibram observari in corpore, quin hæreant in membranâ facilè dilatabili, cellulis plurimis cum se mutuò communicantibus, constante; sicque concludit: *Minora ergò hæc cava per omne corpus dispersa hærent, & poterunt repleri humoribus ex fractis vasis effusis.* "Patet autem facilè ecchymosin & suggillationem sæpè se mutuò comitari post validas contusiones: undè etiam apud auctores hæc vocabula confunduntur".

---

(a) Comment in Boerhay. Aphoris. 324.



Ex hâc animadversione nonnè mirum quodd Clarif. Commentator Aphorismorum Boerthavii De cognoscendis & curandis morbis, in vitium ducentis culpæ fugam fecerit, & arte caruerit, dicens §. 1131, maculas scorbuticorum caruleas, rubras, flavas, nigricantes, ab extravasato sub cutē sanguine productas, observatas fuisse, prout sanguis extravasatus colorem mutaverat; dùm vel coagulatus & niger manabat; vel incipiens dissolvi, per varios colorum gradus transibat, antè quàm penitus dispareret, simili omninò modo ac in contusionibus apparet. Subjungit Clar. Auctor magnam esse affinitatem inter maculas scorbuticas, & mutationem coloris in cute, quæ Contusionis progressum sequitur. » In utroque » enim casu, extravasati humores sub integris integumentis » hærent; in utroque casu vasa rupta sunt; & videtur in » scorbuto à causis internis nasci similis conditio, qualis à » causâ externâ contundente nasci solet; vasorum nempe ruptura & liquidorum extravasatio. » Nùm dici possunt affines morbi tam diversæ naturæ? Minus in arte peritis mentitur fucata cutis; nonnullos enim decepit purpureus color, & macula livida spontè suborta, latiusque diffusa ad femoris partem superiorem & anteriorem in gravidis, integrâ valetudine fruientibus, quas Dyscrasiæ scorbuticæ insimulabant, extinctâ Anatomix face docentis rotunda uteri ligamenta, per annulos musculorum abdominis transeuntia, in pinguedine juxta inguina terminari, & plexu vasculoso constare; cujus distractio, ab utero nimis distenso, suggillationis exterioris fit causa.

Quanti intersit in Pathologâ Ecchymosim & suggillationem signis propriis distinguere, ex dictis sat conspicuum: sed accuratioris & diligentioris inter eas discriminis annotandi summa in usu forensi necessitas ex dicendis patebit. Cùm verò



segniùs irritent animos congestæ præceptiones quàm exempla; juvat varios hâc de re casus exponere, ut in unoquoque narratio facti vicaria, rem oculis quasi præsentem fidelitèr sistat.

1. Augustoduni, die 6 Septembris, anno 1735, horâ nonâ ferotinâ, nobilis quidam Juvenis, qui in equestri turmâ Scloupetariorum Domûs Regiæ, bellicæ disciplinæ tirocinia posuerat, cum duobus causarum Patronis vehementiùs verbis jurgabatur, dein, licèt ense districto, metuendum non se præbuit: pugnis certantes inermem eum humi abjecerunt, & acceptam injuriam, præ pudore, silentio dissimulavit. Quotidianâ consuetudine civium cœtibus comiter adstans, sociales circulos frequens confectabatur usquè ad decimam quartam à rixâ diem, quâ valitudinis prosperitate utentem dicitur variolis, tunc in urbe malignè grassantibus, fuisse correptum, & ipsâ eâdem die, 21 Septembris, fato functus est, horâ post meridiem decimâ.

De pœnâ percussoribus infligendâ Pater defuncti cogitans, capitaliter Patronos apud Judices incessit. De legitimo forolite obortâ, inspectio cadaveris ad diem Octobris 28, procrastinatur, elapsis à morte 37 diebus. Exhumato, Prætoris Urbani jussu, cadavere, omnes Medici & Chirurgi Augustodunenses inquirunt, & communi consilio concludunt, Ecchymosim & plurimas se vidisse in capite contusiones, quarum major in parte posticâ, cum cruoris nigri, partim fluidi, congestione: cranium fuisse integrum, in eoque partes contentas absque læsione: commemoratur etiam de Contusionibus in Hypochondriorum regione & femoribus, ab instrumento contundente, uti fustibus, lapidibus & aliis.

Hanc ad Judices rescriptionem impugnant Rei, irritam nulliusquè ponderis, & reipsâ, & vitioso ritu, statuentes. Emen-dandæ renuntiationi non patebat aditus, quippè cùm eam



subscripserint omnes in utrâque Medicinâ Magistri; sicque secundo examini omnis via erat præclusa.

Misso memoriali libello, Parisios, Montem-pestulanum & Nemausum, opem & auxilium Medicos rogante, qui, posthabit judiciariâ Augustodunensi renuntiatione, causam Reis adjudicarunt, proprio Marte asseverantes lividas maculas non à causâ externâ contundente ortas, sed à sanguine in corporis periphæriam impulsio per vim morbi & instante morte, in ultimæ animæ secedentis conatu, ut videre est in omnibus ferè cadaveribus; præsertim si morbus à putridis humoribus processerit. Sed quid restificationes extraneæ de non visis, sine constante corpore delicti, vanæ proficiunt? Quis enim ignorat sumptibus & instigatione litigantium, quorum interest, hæc scripta officiosè fieri, undè nullius sunt auctoritatis coram Judicibus. Si non certæ fidei viderentur ea quæ de cadavere examinato in acta relata sunt, iis refragari posse ratio & æquitas jubent. Sed tunc testimonii recognitio Viris in arte peritioribus committenda; quorum munus est ex æquo & incorruptâ fide quidquid contra artis cognitiones & præcepta, errore vel imperitiâ peccatum fuerit, investigare, quæ emendanda proponere, ut irrita habeatur renuntiatio à minus expertis tradita: sed malè cedunt consilia quæ contrariam opinionem sine probationibus proferunt; uni è partibus adversis opportunè patrocinantia.

Quid jam de Augustodunensi relatione Anatomicâ sentiendum sit, judicatu facile. Ex Artis legibus inquirendum in figuram & magnitudinem instrumenti vulnerantis; de naturâ & usu partium læsarum; an lethale vulnus fuerit, & quâ de causâ; quæ symptomata vulnus inflictum ad mortem usquè secuta sint: nihil horum in renuntiatione: non constat de certitudine facti physicæ: ergo nullum existit, quod vocant, corpus delicti. Nihilominus re auditâ ex utrâque parte, litem diremerunt inferiores Judices, damniando unum è Reis ad exportationem bien-



nem (*bannissement*) ad multam erga Regem, ad solvenda decem librarum millia, & ad litis expensas. Alteri autem Reo, quod rixæ testis socium vexatorem non dehortatus sit, imposita fuit pœna solvendi duo millia librarum & expensas, secedendique ad quinque annos à præsentia Patris filii defuncti in quocumque sociali civium congressu.

À tam damnoſo judicio ad ſupremam Divionenſem Curiam fuit provocatio. Ibi, ſcriptis, contraſcriptis, confutationibus, iteratis reſponſionibus, inter litigantes ex utrâque parte actum, ita ut implicata & obſcurata verius quàm explicata fuerit controverſia. Pro Patre defuncti certabant tanquàm de vitâ & ſanguine: litigio miniſtrare non puduit Artis ſalutaris Magiſtros, & forenſium quaſi æmulatores, arte ſubdola uti: virtute enim mentis imaginum fictricis varias excogitarunt læſiones minimè viſas, nec prorsus comprobatas, ut cauſæ prodeſſent. Ab omni exprobratione immunes eſſent Reorum deſenſores, ſi iis de ignoto diſſerendi nulla fuiſſet cupido.

In ſolvendis quaſtionibus phyſico-legalibus primaria lex eſt ut clare, diſtinctè & evidenter poſita ſit facti certitudo. Cadeveris inſpectio legalis eſt actus publicus detegendæ mortis cauſâ inſtitutus. Livores, maculas in corpore viſas, Auguſtodenenſis relatio percuſſionibus aſſignat: negant conſulti Medici Pariſienſes; macularumque lividarum cauſam, verùm è longinquo, vident in putridâ humorum diſſolutione. Sed quæ ratio negati daretur? Cui ex contrariis aſſertionibus adhibenda fides? Certè quidem ut jam *Paræus* noſter obſervavit, poſt mortem ſunt eruptiones, nondùm ſcilicet reſtincto humorum fervore qui putredinis eſt ſoboles: quare tunc putredinoſus calor, qui ſub mortem plurimus eſt, in cutem excrementitios humores excernit, macularum materiam. An ergò in hoc notiæ genere incertum ſit de percuſſionibus & maculis inſpectis judicium? Prudenti ſeſtione res inſtiganda, ut conſtet de vaſorum diſrup-

tionem, de corpore delicti, & congestionem sanguinis abscissis partibus, si sit Ecchymosis à corpore contundente; & de integritate cutis & substrati textus cellularis, in suggillationibus à causâ internâ oriundis. Sed cultro Anatomico docta manus agat, monente Clariss. *Vanswieten*; nam sæpè quando Imperiti cadaver examinant, non tam lustrant vulnera, quàm faciunt.

Collegarum chirographis socium nomen subscribere rogatus denegavit Clar. M. *Astruc*; nec benignè invehitur in Augustodunenses, qui triginta septem abhinc diebus post inhumationem, de corpore exhumato iudicium facere ausi fuerint: tum stans à causâ Reorum contendit ementitam in occipite Ecchymosum, quippè cum sanguis inter spatium sexdecim dierum à rixâ ad mortem, vel resorbis, vel in pus conversus, aut fluiditate privatus, cum coloris mutatione, fuisset à calore partium, vi pulsante arteriarum, & influxu naturali spirituum. Quod argumentum victrici ratione infirmavit Clar. D. *Fournier*, Medicus Divionensis, Clar. *Vanswieten* auctoritate fretus, dicentis, Commentario in Aphorismum Boerrhavii 172, ratione effusi sanguinis Galenum jam monuisse, suppurationis nomine hîc intelligi omnem sanguinis corruptelam, non autem conversionem in pus propriè dictam... « Si nullus aeri accessus detur, potest sanguis effusus » diù sine corruptione manere, imò sensim extenuatus iterum » resorberi sine noxâ, uti sæpè post validas contusiones apparet, quando sanguis, vasis fractis, sub cute integrâ effusus, » per mensem & ultra sæpè hæret, sensim iterum disparsus » sine ullo malo. » Quidquid id fuerit, cum nulla suborta sint symptomata, huic Ecchymosi causa mortis nullo modo tribuenda. Litigiosas ambages non sine magno sumptu, & anxias curas disturbasset docta renuntiatio ex legibus Artis expedita. Tandem die 5 Martii, tantas composuit lites suprema Curia, dimissis ab insimulatione homicidii causarum Patronis.



II. In humano corpore sanguis à corde in arterias expellitur, ad illas redux per venas: sed anatomicâ observatione notum, à morte, quocumque modo moriens è vitâ discesserit, venas sanguine plenissimas esse, arteriasque in cadavere modicum sanguinis continere. Suggillationes majores fiunt ab hoc sanguinis transitu in venas minimas ad cutem usquè, & suffusione in textûs adiposi cellulas, in iis præsertim quibus violenta mors obtigit; quod videre est in suffocatis à carbonum vapore inspirato; & etiam, quibus laqueo collum torquetur: liveant brachia & crura, eò intensius quòd fuerint sanguinei temperamenti & ætatis vegetioris. Nulla in his suggillationibus artuum subcutanea læsio anatomicè perquirenda; sed admonendi Artis cultores quibus inculta esset in hoc genere doctrina, cultro anatomico sæpè investigandam esse veritatem, ut certò noscatur corpus delicti. In judicium nonnunquàm venit, An qui fune suspensus cernitur, vel vivus vel mortuus suspensus sit. Ex *Paræo, libro de Renuntiationibus*; si vivus suspensus fuerit, funis vestigium in cervicis ac juguli circumferentiâ relictum, rubrum, livens aut nigricans apparebit, cutisque circumcontracta ac rugosa, propter eam quam funis fecerit compressionem... Livebunt etiam brachia & crura totaque facies, &c. Contrà, in suspenso cadavere, nihil horum apparebit, ne funis quidem in collo vestigium rubrum aut livens, sed simili planè cum reliquis corporis partibus colore.

Crescente in dies Arte, uberiorem doctrinam nobis transmisit observatio & experientia. J. Bohnius, Professor Lipsiensis meritiſſimus, ad calcem libri de *Renuntiatione vulnorum*, dissertationis lucidioris auctor est super hanc quæſtionem, An quis vivus mortuusve suspensus fuerit? Sequentem casum, cognitu necessarium refert, de cadavere post mortem suspenso.  
 » Fœminæ cujusdam suspensæ nec facies, nec collum, nec humeri  
 » cum thorace, peregrino colore imbuti, nec oculi prominentes,

» nec lingua tumida ac nigra, nec laquei vestigium, deprehensa  
 » fuerunt; utrumque potius abdominis latus, à costis nothis,  
 » lumbi ad podicem usque, ac femora livida, fusca atque  
 » *suggillata* comparuerunt; conclusit, anno 1708, die 19  
 » Octobris, Collegium Lipsiense, illam non tam viventem  
 » se ipsam strangulasse, quam ejus cadaver post fustigationem  
 » & verbera lethalia suspensum fuisse. »

Hæc autem suggillatio à verberibus, quantum differat à suggillatione in femoribus strangulatorum conspicuâ, judicandum. Ab ipsius causâ, cutis exterior læsa est, & tumoribus ramosifurculosos quasi referentibus fulcata, præsertim in iis qui virgis ac flagellis caderentur.

Sed in casu difficiliori novum lumen protulit non mediocri intelligentiâ instructus Chirurgus villanus cujus nomen desideratur.

Validis ardens animis Filius-Familias annum agens decimum octavum, suspensus in arbore visus est, die Augusti 12, anno 1736. Patrem incarceratum, incarceratas neptem tresque defuncti sorores, decretâ corporis comprehensione, ob concitatum rumorem publicum, tanquam insontes dimisit pro Rege causarum Cognitor; suspensumque *Autochirum* judicans, quod sibi ipsi propriis manibus mortem consciverit, rigide, ad juris criminalis formulam, cadaver ejus dehonestandum censuit. Res ad supremam Aquisgranam in Provinciâ Curiam delata, in contrarium cessit, perspicacius inquisita ab illustr. & doctrinâ spectabili viro D. *de Gueidan*, tunc temporis Advocato Generali. Indubia quidem aderant strangulationis signa: sed ex observatione Chirurgicâ, vestigium collo contuso cum suggillatione impressum, horizontaliter & immediate supra scapulas cernebatur, ita ut humi prostratus, fune torto supremum diem adolescens obierit; dein ad arboris ramum sublatus, suspensorii laquei vestigium mento tenus, oblique ad cervicem apparebat absque ullâ coloris in hoc cutis sulco mutatione. Immanis infu-



per savitiæ alia exhibebat indicia examinatum attentius cadaver; depressis in os dentibus sanguine tinctis, per compressionem violentam à pede patris homicidæ (a). Hinc quantâ cum cautelâ sit agendum in relationibus forensibus, videtur; quàm prudenter & circumspectè res intueri oporteat. In allato casu sagacior observatio anatomica lucem emisit; pari studio facta cadaveris inspectio scandalum Tolosanum amovisset, dubia aperiens, & de jugulato cive Themidis gladio, an jure, an immeritò, constaret ex certitudine facti clariùs, ut par erat, probarâ. In hoc cardine, necessariò & absolutè vertuntur res criminales: certitudo facti physica, corpus delicti constituit, quàm sententiam verbis iterare nos non piget: investigationi anatomicæ, à peritis, verè congruit *Santoli* carmen, inscriptum in Castelleri camerâ criminali:

*Sontibus undè tremor, civibus indè salus.*

III. Gravis quæstionis solutio à vulgari intelligentiâ remotior est, quàm ut quisque judicium certum dicere valeat. Re minùs intellectâ, quid veri, quid documenti emergeret? Et, ut cum erudito Scriptore ineuntis seculi XVII loquamur, languentes & oleo defectæ lampades tenue lumen spargunt. Sed ab indoc-tâ renunciatione quot insurgunt mala, & quidem horrenda? Decipiuntur Judices; aspectu terribili incedunt Pœnæ scelerum ultrices; innocentiam suâ freti, immerentes premuntur; seriùsque, cum acerbo & supervacuò animi sensu discernitur frustratam fuisse causæ intelligentiam: hæc aliquot exemplis ad rem nostram redeuntibus, probanda.

Castri Albiensum, Petrus-Paulus Sirven iniquè pœnam occi-

---

(a) Vid. quam edidit dissertationem Clar. Actûs Præses, anno 1763, sub titulo: *Mémoire sur une question anatomique relative à la Jurisprudence, dans lequel on établit les principes pour distinguer, à l'inspection d'un corps trouvé pendu, les signes du SUICIDE d'avec ceux de l'ASSASSINAT.*

se puellæ, quæ, primis diebus anni 1762; seipsam præcipitem in puteum dederat, capite expendisset, si relationis ex inspecto cadavere vitia non patefecisset Cl. Actûs Præses; ex quo in possessionem famæ, bonorum, vitâ salvâ, restitutus fuit prudenter ab aliquot annis Contumax.

Non minùs Artis regulis & præceptis, quàm officio suo defuerunt cadaveris Examinatores. Ex eò quòd nulla apparuerint (quæ penitus ignorabant, ut patet ex eorum legali relatione) signa submerforum mortem indicantia, inferre fas non erat puellam priùs à sicario fuisse interfectam, dein in puteum projectam. Sed ex ipsâ præcipiti in puteum prolapsione, ictu crebro, contra putei parietes quasi arietante capite, ex iteratis, antè quàm ad aquam putei pervenerit, percussionibus, ad stygias undas penetravit infelix ex alienatione mentis puella. Tumor à contusione aderat in regione ossis frontis; at, nec sectione anatomicâ an os fractum fuerit, an quid sanguinis in interiorem calvariam effusum, nequaquam investigare. Meris conjecturis & levioribus præsumptionibus innituntur, cum de corpore delicti certo certius constare debuisset.

Collum, in toto orbe, sanguine extravasato turgidum, fuggillatum anteriùs à mento ad claviculas, lividas carnes, collique in omnem sensum mobilitatem habuerunt pro signis suffocationis à causâ violentâ exteriùs & nefariè admotâ, cum hæc omnia potens & gravissimum præbeant argumentum fracturæ vertebrarum cervicalium.

IV. Indiligentiæ potiùs quàm inscitix exprobrationem meruere ea referendo quæ in cadavere observabant Audomaro-  
ropoli ( *St. Omer*, ) Medicus & Chirurgi, Magistratûs rogatu deponentes de causâ mortis viduæ *Monbailli*, 28 Julii 1772. Tota facies fuggillata; nares coagulato cruore oppletæ; pectus antrorsum, brachii utriusque pars superior, livida; vulnus subter supercilium dextrum in orbitam penetrans; omnia viscera



in statu naturali; nihil h<sup>o</sup>rum ex ipsâ relatione juridicâ potuit esse mortis subitanæ causâ; quas præter Naturam viderunt læsiones; vel à casu, vel à corpore contundente factas, incerti statuentes; vulnus autem supercilii ab instrumento pungente & secante, putà cultro, vitro, &c.

Infamitudo vulgi rumor reum fecit defunctæ filium; & par-  
ricidam judicavit. Suprema in causis criminalibus Atrebas Curia,  
insontemque summo supplicio mactavit; pugno secto; brachiis,  
femoribus, cruribus & lumbis vestæ ferreo fractis,  
vivum igni concremandum tradidit.

In tam horrendâ calamitate, Martyris uxori ad patibulum dam-  
nata, & casu felici gravidæ, patrocinati sunt viri humaniores,  
opemque Clar. Actûs Præsidis efflagitarunt; qui præstitâ con-  
sultatione, Januarii die 8, anno 1771, nullum esse corpus  
delicti, nec à percussore interfectam mulierem, probavit; sed  
Apoplexiâ temulentâ correptam incidisse in angulum atcæ, undè  
vulnus suprâ oculum; fuggillationes in facie & aliis partibus,  
& ruptis à commotione vasis, nares cruore repletæ, &c.  
Certè noluit propitiâ ferre sententiam, sciens ex *Sehizio*,  
Professore Argentinenfi, de *Jud. informat.* peccatum maximum  
servare velle, quem, ob vulnus illatum lethale, *Leges* homi-  
cidarum pœnâ damnarunt.

Quasi interposuit auctoritates maximi sunt ponderis in re tam  
gravi dijudicandâ. Nulla fit in renuntiatione mentio obesitatis,  
& veteris consuetudinis multo vino, vel aquâ-vitæ sese ire-  
briandi. Cadaverum *per Peritos* lustratio, quoad reliquas cir-  
cumstantias, imprimis *Procatarxin* morbosam, in Judicio accu-  
ratiùs enunciando insigni pollet emolumento. (a) Obesi admo-  
dum habitûs homines & vini intemperantes repentina mortè

---

(a) *Bohnius*, de Renuntiatione vulnerum cap. 3. de deponendi ratione & modo.

obnoxios esse, notat Illust. *Lancisi*, Archiater Pontificius. De Apoplexiâ agens celeb. *Forestus*, primam observationem refert de quodam crapulâ dedito plethorâ abundante. Ex Wessero, tract. de Apoplexiâ, constat ebriositatem, hujus morbi frequentiora dare semina. Aperto capite ebriosi intra paucas horas apoplecticè fato functi, superficies cerebri, ejus cavitates & cranii basis sanguine extravasato replebantur. Hoc tamen certum, inquit Clarif. Observator, nullam causam violentam externam, sive ictum, sive casum, tantæ rupturæ vasorum sanguiferorum auctorem præcessisse: Historia morborum Wratislaviensium ab Hallero edita, notat expressè, notorios vini abusus, multos, optimi aliàs habitûs, in Apoplexiam præcipitavisse.

Acta Medicorum Berolinensium memorant militem, sanguinei temperamenti, optimâ valetudine fruientem, subitanè morte extinctum. Externè totum corpus, sanguine suffusum undique livebat: quod Berolini observabant, anno 1720, visum est Autodomari, anno 1770: ergò à suggillationibus in pectore non rectè arguitur contusum fuisse pectus à violentiis externis. Hoc etiam notandum, quòd in investigatione anatomica militis Prussici, cum capitis integumenta inciderentur, statim sub cute multum fluidi sanguinis occurrisse; inque magnâ quantitate, (sunt ipsa Relationis verba) circiter ad tres mensuræ partes, dum cutis removebatur, fluebat. Clarif. *Morgagni* refert in ebrietate mortuo vasa piæ-matris & plexûs choroidei adeò repleta sanguine, ab eoque dilatata, ut nunquam magis vidisse meminert (a). Sæpè ebrius, inquit, quæ res quantum ad copiam sanguinis augendam, & ad vasa quæ intra cranium sunt, infirmenda

---

(a) *Morgagni* de sedibus morbor. per Anatom. epist. 60. articul. 12 &



valeat, facile intelligitur. De alio in crapulâ mortuo dicit Clar. Auctor quòd faciei musculos omnes, interjectas membranas & glandulas parotides fuscus ex coccineo rubor infecerat (a). Hinc Lancisium monitorem audiant de lethaltate vulnerum Renuntiatores, cum dicit: » in hâc re cautos velim, » *tam ipsos Medicos*, qui propriam aliquandò sententiam » pro usu forensi interponere debent, *quàm Judices* puni- » turos eos qui etiam si levi impulsu dejecerint ebrium, vel quemcumque alium, si hic statim de vitâ obierit, illata mortis » sunt rei. » (b) Quæ ad rem *Monbailli* maximè congruunt.

Notum sit iudices deceptos, quibusque mandata fuit litis recognitio, solemnî iudicio famam filii *Monbailli* in integrum restituisse; ab omni criminis suspitione liberatam uxorem superstitem; consultationis Cl. actûs Præsidis laudabili factâ in *Arresto* mentione. Admonitos insuper voluerunt de attentâ circumspeditione habendâ in renunciationibus suis, Medicos & Chirurgos, causas mortis proximas & remotas verbis expressis declarando, rationesque doctrinæ, vel opinionis circa res observatas. Quod ipsa ratio suadet & jubet, jam Carolus V, Imperator Romanus, præscripserat, cadaveris sectionem legalem & læsionum in eo præsentium inspectionem pro fundamento totius processûs inquisitorii ponendam esse, ferè in Constitutione Criminali præcipiens.

Celeberrimo *VOLTAIRE*, navis litterariæ in puppi sedenti, & clavum summâ cum laude moderanti, quàm maximus poterat habitus est honos ab iis qui politioribus delectantur studiis, quòd in causis *Sirvèn* & *Monbailli* animos moverit, florenti & eleganti dicendi formâ. Sed quid sunt hæc

---

(a) Lib. IV. Epist. 52. articul. 30.

(b) De subit. mort. lib. 1. cap. 2. pag. 30.



illecebræ, nisi arcus coloratus! Ex corpore delicti statuitur iudicium: undè verum patrociniū penes est Artis nostræ Magistros. Hâc de re audiendus Constitutionis Criminalis Carolinæ Commentator, dum ait.... *Si inspectio quæ ad corpus delicti spectat, omittatur, ob defectum certæ scientiæ, an vulnus fuerit lethale vel non, pœna ordinaria adhiberi nequit, quippè quæ nunquam decerni potest, nisi ubi constiterit de vulneris lethalitate, de quâ tamen iudex certus esse non potest, nisi factâ prius diligenter cadaveris inspectione.*

Plurimos alios casus non minoris momenti silemus, quos elucidarunt Cl. Actûs Præsidis Consultationes, annuentibus Tribunalibus acceptas; has disceptationis nostræ limites referre verant. Pluribus hîc supersedemus, spem profuturæ doctrinæ expectantes.

*HAS THESES, Deo juvante, & Præside M. ANTONIO LOUIS; Scholarum Professore Regio, Academiæ Regiæ Chirurgiæ Secretario perpetuo, Regio librorum Censore, in Castris & Regis exercitibus à consiliis Chirurgicis, Nosocomiorum Militarium Regni Inspectore, Consultissimæ Facultatis in Universitate Parisiensi Doctore, in supremo Senatu Patrono, è Regiâ Monspeliensi Scientiarum Societate, Regiâ Medicinæ Collegiî Nanceiani, & Academiæ Scientiarum Divionensis Collegâ Honorario, Academ. Lugd. Rothomag. Metens. Gottingens. Apathistarum & botanic. Florentinæ. Bonon. Paduan. Socio, in Medicinæ Facultate Halæ-Magdeburgicâ Chirurgiæ Doctore; tueri conabitur ANTONIUS-LUDOVICUS-FRANCISCUS MERTRUD, Eques, artium liberalium in almâ Universitate Parisiensi Magister, Facultatis medicinæ Nanceianæ Doctör.*

F I N I S.



